



ს ა ქ ა რ თ ვ ე ლ ო  
ბორჯომის მუნიციპალიტეტი



განკარგულება:გ-17. 17232682

თარიღი:25/09/2023

**არასამეწარმეო (არაკომერციული) იურიდიული პირის „ბორჯომის ცენტრალურ (ისტორიული) პარკი“-ს დირექტორის ანგარიში 2023 წელს გაწეული მუშაობის შესახებ**

“ადგილობრივი თვითმმართველობის კოდექსი“-ს საქართველოს ორგანული კანონის მე-16 მუხლის მე-3 პუნქტის და 61-ე მუხლის მე-2 ქვეპუნქტის საფუძველზე

1. ცნობად იქნეს მიღებული არასამეწარმეო (არაკომერციული) იურიდიული პირის „ბორჯომის ცენტრალურ (ისტორიული) პარკი“-ს დირექტორის ანგარიში 2023 წელს გაწეული მუშაობის შესახებ, თანახმად დანართისა.

2. განკარგულება ძალაში შედის მისი ხელმოწერისთანავე.

3. განკარგულება შეიძლება გასაჩივრდეს დაინტერესებული პირის მიერ კანონმდებლობით დადგენილი წესით, გაცნობიდან 1 თვის ვადაში ახალციხის რაიონულ სასამართლოში (ქ. ახალციხე მებაღიშვილის ქუჩა #60ა)

დავით ზაალიშვილი

ბორჯომის მუნიციპალიტეტის საკრებულო-  
საკრებულოს თავმჯდომარე

გამოყენებულია კვალიფიციური  
ელექტრონული ხელმოწერა/  
ელექტრონული შტამპი





# აკაკი "ბორჯომის ცენტრალური (ისტორიული) პარკი"



წერილის ნომერი: 57-1623258129  
თარიღი: 15/09/2023

ადრესატი: ბორჯომის მუნიციპალიტეტის საკრებულო  
მისამართი: ბორჯომი, მესხეთის ქ. N5

ბორჯომის მუნიციპალიტეტის საკრებულოს  
თავმჯდომარეს ბატონ დავით ზაალიშვილს

ბატონო დავით,

მოგახსენებთ, რომ 2023 წლის ზაფხულის საკურორტო სეზონი ბორჯომის ცენტრალურ (ისტორიულ) პარკში ტრადიციულად დაიწყო 1 ივნისს ბავშვთა დაცვის საერთაშორისო დღეს და დასრულებულად გამოცხადდა 15 სექტემბერს.

საკურორტო სეზონის დაწყებამდე დაგეგმილი გვქონდა და გვემის მიხედვით შევასრულეთ მთელი რიგი ღონისძიებები და სამუშაოები, როგორც ინრასტრუქტურის ასევე ტექნიკური მიმართულებით, რათა საკურორტო სეზონის მიმდინარეობა ყოფილიყო ნორმალური მდგომარეობით.

რეაბილიტაცია ჩაუტარდა პარკის ტერიტორიაზე მდინარე ბორჯომულაზე გადასასვლელ ხუთ ხიდს. მისი განხორციელებისათვის ნებართვა მივიღეთ საქართველოს კულტურული მემკვიდრეობის დაცვის ეროვნული სააგენტოდან, რის შემდეგაც ჩვენს მიერ გამოცხადებულ იქნა ელექტრონული ტენდერი, სადაც გამარჯვებული კომპანია იყო შ.პ.ს. „ჭედვე ჯორჯია.“ აღნიშნულმა კომპანიამ მოახდინა ხუთივე ხიდის რეაბილიტაცია, მთლიანად შეიცვალა ხის საფარი. ლითონის კონსტრუქცია დაამუშავდა კოროზიის საწინააღმდეგო მასალით და შეიღება საღებავით. ელექტრონული ტენდერი გამოცხადებული გვქონდა 110 760 (ას ათი ათას შვიდასსამოც) ლარზე, ხოლო გამარჯვებული კომპანიის სატენდერო თანხამ შეადგინა 98 392, 92 (ოთხმოცდათვარეშეტი ათას სამას ოთხმოცდათორშეტი ლარი და 92 თეთრი) ლარი .

შევასრულეთ, როგორც ცენტრალური პარკის, ასევე დაბა წაღვერის დასასვენებელი პარკის ტერიტორიაზე შესასვლელი კარის, საბაღე სკამების, განათების ბოძების, ლითონის ნაგავსყრდენების და მთლიანად ლითონის კონსტრუქციების სამღებრო სამუშაოები.

ქალაქის მერიასთან შეთანხმებით და საკრებულოს გარემოს და აგრორულ საკითხთა კომისიის ნებართვით პარკის ტერიტორიაზე 50 ძირი ფოთლოვანი ჯიშის ხე-მცენარეს ჩაუტარდა გადაბეღვის სამუშაოები.

მთელი საკურორტო სეზონის განმავლობაში, როგორც ცენტრალურ პარკში, ასევე კოსტავას სახელობის ბაღში და დაბა წაღვერის პარკში, რეგულარულად სრულდებოდა ტერიტორიის გაწმენდითი, დასუფთავების და სათიბი სამუშაოები. აგრეთვე მდინარე ბორჯომულას ნაპირების, ე.წ. „შვიდი გზის“ და გოგირდის აბანოებთან მიმავალი გზის გაწმენდითი დასუფთავების სამუშაოები. მოგახსენებთ, რომ აღნიშნული სახის სამუშაოები მიმდინარეობს არა მარტო ზაფხულის საკურორტო სეზონის არამედ მთელი წლის განმავლობაში ყოველდღიულ რეჟიმში.

განვასრულეთ გამწვანების სამუშაოები: დავგრგეთ ყვავილები, წითელი კოწახურები, ტუიები, წითელი ნეკერჩხლის ნერგები.

მოვაწესრიგეთ ფერადი გარე განათების სისტემა, შევცვალეთ 20 მეტრი სიგრძის მაღალი გამავლობის ელექტრო სადენი, რის გამოც შეფერხებით მიეწოდებოდა ელ. ენერგია პარკის ტერიტორიაზე.

გაწმენდითი სამუშაოები ჩავუტარეთ თბილი მინერალური წყლის ე.წ. „ბიუვეტს“, რომელიც სპეციალისტის მიერ დამუშავდა სპეციალური ხსნარით.

რამდენჯერმე შევწამლეთ და დავამუშავეთ ტერიტორია ქვეწარმავლების და მღრელების საწინააღმდეგო ხსნარით.

მოვამზადეთ საკურორტო სეზონისთვის და ტექნისპექტირება ჩავუტარეთ შვიდ ატრაქციონს, რომელიც განახორციელა შპს „ტექნისპექტგარანტი“-მა, რომლებიც სეზონის დასაწყისიდან სეზონის დასრულებამდე მუშაობდნენ გამართლად შეფერხების გარეშე.

სეზონის განმავლობაში ცენტრალურ პარკში მობრძანებული უცხოელი ვიზიტორი, ადგილობრივი დამსვენებელი თუ სტუმარი სარგებლობდა მინერალური წყლის ერთჯერადი ჭიქებით უფასოდ მიწოდების სერვისით.

ზაფხულის საკურორტო სეზონის დაწყებასთან და დასრულებასთან დაკავშირებით 1 ივნისს და 15 სექტემბერს მობრძანებულ სტუმრებს პარკის კუთვნილ ატრაქციონებით მოვემსახურეთ უფასოდ.

ჩვენი შესაძლებლობის ფაარგლებში მონაწილეობა მივიღეთ მიმდინარე კულტურული ღონისძიებების ჩატარებაში, როგორც ცენტრალურ პარკში, ასევე კოსტავას სახელობის ბაღში.

ქალაქის მერის ნებართვით და საქართველოს ადგილობრივი თვითმმართველი ერთეულების ფინანსისტთა ასოციაციის მეფასებით ელექტრონული აუქციონის წესით სასყიდლიანი სარგებლობის უფლებით, გავაიჯარავეთ ცენტრალური პარკის და კოსტავას სახელობის ბაღის ტერიტორიაზე არსებული შენობა-ნაგებობები და არასასოფლო-სამეურნეო დანიშნულების მიწის ნაკვეთები.

ზოგადად, ზაფხულის საკურორტო სეზონი დასრულდა ნორმალურ ფარგლებში, არ ჰქონია ადგილი რაიმე სერიოზულ ინციდენტს და დარღვევას, არ გვყოლია მასიურად უკამყოფილო დამსვენებელი თუ მობრძნებული სტუმარი.

ლაზრენტ გელაშვილი

ბორჯომის ცენტრალური (ისტორიული) პარკი-  
დირექტორი

გამოყენებულია კვალიფიციური  
ელექტრონული ხელმოწერა/  
ელექტრონული შტამპი

